



Eivind Brataas Walberg
C/O Westye Egebergs Gate 2A, 0177 Oslo, Westye
Egebergs Gate 2 A
0177 OSLO

Saksbehandlar, innvalstelefon
Ola Betten, 71 25 84 76

Runde fuglefredingsområde - dispensasjon for lydopptak

Vi viser til e-post av 03.06.2023 med søknad om dispensasjon for oppsett av utstyr for lydopptak i Lundeura i Runde fuglefredingsområde. Føremålet er å dokumentere miljøet til lunden og formidle dette til publikum. Det er tidlegare gjeve løyve til filmopptak, og dette skal integrerast i ein produksjon.

Runde fuglefredingsområde blei freda ved kongeleg resolusjon av 30.04.1981. I verneforskrifta pkt III fastset ein verneformålet til: «*Føremålet med fredninga er å ta vare på eit rikt og interessant fugleliv og fuglane sitt livsmiljø, serleg med omsyn til sjøfuglkoloniane*».

Verneforskrifta pkt IV d) fastslår at «*Av omsyn til fuglelivet er det forbod mot all ferdsl innafor områda, og mot ilandstigning frå båt i tida 15. mars til 31. august for områda 1 - 3, og i tida 15. april til 15. august for område 4. I denne tida er det og forbode på nokon måte å skremme ut fuglane ved hjelp av skot, blåsing i skipsfløyter o.l. Desse reglane skal likevel ikkje vere til hinder for grunneigarane si næringsutøving etter dei eigedoms- og bruksrettar som gjeld, eller for ferdsl for dei som høyrer heime på øya. Heller ikkje er det til hinder for ferdsl etter oppmerka stiar til og frå oppmerka utkikspunkt*».

Det er ingen spesielle unntak eller heimel i verneforskrifta for å tillate slike opptak. Det har vore mange søknader om ulik dokumentasjon av både lunde og havsule, og vi har sett positivt på det meste av slike tiltak då dei kan gje eit større publikum både ei brei naturforståing og detaljkunnskap om kva utfordringar sjøfuglane står i.

Vi har vurdert søknaden etter dispensasjonsbestemminga i naturmangfaldlova § 48 og prinsippa i §§ 8-12, jf. § 7:

§ 8 – Kunnskapsgrunnlaget

Utsett av utstyret i lundekolonien kan medføre ei kortvarig forstyrning på ei tid der fuglane ligg inne i reirgangane eller er ute på næringssøk. Dette betyr svært lite når ein opptrer slik at hekkande fugl ikkje vert hindra i å oppsøke reirgangar og andre hekkestader. Arbeid i Lundeura på dagtid tidleg i sesongen vil neppe påverke fuglane som er på havet denne tida.



Ein dokumentasjon av miljøutfordringane for lunden på Runde spreidd ut til eit stort publikum vil kunne gje positive verknader på sikt gjennom haldningsendringar og eit fagleg innspel til forvaltinga. Vi finn difor fordelene med dette større enn ulempa ved kortare forstyringar i samband med kortvarig montering. Ut frå føreliggande kunnskapsgrunnlag er det forsvarleg å kunne tillate dette.

§ 10 – Samla belastning

Vi kan ikkje sjå at lydopptaka vil gi noko uakseptabel totalbelastning verken på lundekoloniane på Runde eller bestandane generelt.

§ 9 – Føre-var prinsippet og § 11– Kostnadene ved miljøforringelse

Statsforvaltaren ser ikkje at desse kjem til bruk i denne saka.

§ 12 – Miljøforsvarlege driftsmåtar

Feltarbeidet skjer kortvarig på den tida få fuglar oppsøker reira. Dette er en miljømessig gunstig tilpassing.

Statsforvaltaren fattar difor følgjande vedtak:

I samsvar med naturmangfaldlova § 48 gjev Statsforvaltaren i Møre og Romsdal Eivind Walberg dispensasjon frå vernereglane punkt IV a) og d) på følgjande vilkår:

- a) Løyvet gjeld for oppsett og stasjonering av lydopptakar i perioden 07. – 11. juni 2023.
- b) Opphald i Lundeura for 1 person for montering og fjerning av utstyret i inntil 60 minutt samla.
- c) Monteringa skal skje i tida 08:00 – 16:00 når det er liten fugleaktivitet.
- d) Utstyret skal monterast i ytterkanten av Lundeura, ved reir som ligg maksimalt 20 meter frå sperringane. Medarbeidarane skal bere markeringsvestar slik at publikum skjønner at dette er ein godkjent ferdsel.
- e) Denne dispensasjonen skal takast med under arbeidet og visast til naturoppsyn på førespurnad.

Dette vedtaket kan klagast til Miljødirektoratet innan 3 veker i samsvar med forvaltningslova §§ 28 ff. Evt. klage skal sendast til Statsforvaltaren i Møre og Romsdal.

Med helsing

Bjarne Otnes (e.f.)
fagleiar

Ola Betten
prosjektleder

Dokumentet er elektronisk godkjent